

IV

NOVOSTI // NEWS

Mr. Jasmin JAJČEVIĆ

Centar za istraživanje moderne i savremene historije Tuzla

jasmin.jajcevic989@gmail.com

ORCID: 0000-0003-0760-6091

UDK/UDC: 930.25(497.6 Tuzla) (047)

Izvještaj sa Međunarodne arhivske konferencije “2. TUZLANSKI ARHIVSKI DANI”, Tuzla, 24. i 25. septembar 2021. godine

U organizaciji Društva arhivskih zaposlenika Tuzlanskog kantona održana je dvodnevna Međunarodna konferencija pod nazivom „2. Tuzlanski arhivski dani“, 24. i 25. septembra (petak i subota) 2021. godine, u hotelu „Salis“ u Tuzli.¹

Otvaranje Konferencije bilo je upriličeno 24. septembra 2021. godine, sa početkom u 18:00 sati u konferencijskoj sali Hotela “Salis” u Tuzli. Konferencija je okupila stručnjake iz oblasti arhivistike, historije i informaciono-komunikacijskih tehnologija iz Republike Slovenije, Republike Hrvatske, Bosne i Hercegovine i Republike Srbije. Izloženo je 10 naučnih radova sa okvirnom temom *Organizacija i rad arhiva u vremenu pandemije*. S obzirom na pandemiju SARS-CoV-2 virusa koja je obilježila prethodnu godinu dana, cilj



Prilog 1. Plakat Međunarodne arhivske konferencije „2. Tuzlanski arhivski dani“.

¹ Vidi: <https://youtu.be/wMwCYOMwjn8> (RTV TK emisija *Dobro jutro*, gostovanje Hatidže Fetahagić, predsjednice Organizacionog odbora konferencije „2. Tuzlanski arhivski dani“).

konferencije bilo je analizirati iskustva i prakse arhiva, te njihovo suočavanje i rad u okviru pandemijskih okolnosti.²

Međunarodnu arhivsku konferenciju „2. Tuzlanski arhivski dani,, organizovalo je Društvo arhivskih zaposlenika Tuzlanskog kantona, uz finansijsku podršku Federalnog ministarstva za obrazovanje i nauku, te Ministarstva za kulturu, sport i mlade Tuzlanskog kantona.



Prilog 2. *Detalj sa otvaranja Međunarodne arhivske konferencije „2. Tuzlanski arhivski dani“.*

Prisutnima su se u okviru uvodnog dijela obratili i konferenciju pozdravili:

- Hatidža Fetahagić, predsjednica Organizacionog odbora Međunarodne arhivske konferencije “2. Tuzlanski arhivski dani;
- Dr. sc. Vlatka Lemić, Sveučilište u Zagrebu, ICARUS Hrvatska
- Lela Pavlović, direktorica Međuopštinskog istorijskog arhiva Čačak i predsjednica Arhivističkog društva Srbije;
- Dr. sc. Zdenka Semlič Rajh, direktorica Zgodovinskog arhiva Ljubljana
- Spomenka Pelić, predsjednica Arhivističkog udruženja Bosne i Hercegovine i direktorica Kantonalnog arhiva Travnik;

² Vidi: <https://rtvtk.ba/pocela-medjunarodna-konferencija-tuzlanski-arhivski-dani/>; <https://youtu.be/FfS6R6yqLK4> (RTV TK video prilog „Počela konferencija Tuzlanski arhivski dani“); <https://youtu.be/tfS7e1qxqJs> (RTV 7 Tuzla video prilog „U toku Međunarodna konferencija Tuzlanski arhivski dani).

- Mr. sc. Sejdalija Gušić, predsjednik Arhivističkog udruženja u Federaciji Bosne i Hercegovine;
- Dr. sc. Ivo Orešković, Državni arhiv u Dubrovniku.

Nakon otvaranja konferencije i obraćanja gostiju upriličena je promocija prvog broja časopisa “Arhivski pogledi”, čiji je izdavač Društvo arhivskih zaposlenika Tuzlanskog kantona.

Promotori časopisa bili su: dr. sc. Miroslav Novak (Pokrajinski arhiv Maribor), prof. dr. Izet Šabotić (Filozofski fakultet Univerziteta u Tuzli) i mr. sc. Omer Zulić (Arhiv Tuzlanskog kantona).

Po okončanju promocije časopisa uslijedilo je otvaranje postavke izložbe Arhiva Unsko-sanskog kantona pod nazivom „71 godina Cazinske bune: dokumenti, svjedočenja, fotografije“. Jedanaest panoa navedene izložbe postavljeno je u okviru konferencijske sale Hotela „Salis“, a o samoj izložbi govorio je njen autor, Amel Redžić. Izložba pruža niz informacija o uzrocima, posljedicama, suđenju i deportacijama koje su se desile u Cazinskoj buni. Izložbu je otvorila predsjednica Arhivističkog udruženja Bosne i Hercegovine (ujedno i direktorica Kantonalnog arhiva Travnik), Spomenka Pelić.

Učesnici konferencije su, u skladu sa važećim epidemiološkim mjerama, bili obavezni poštovati propisane higijensko-epidemiološke mjere koje se odnose na održavanje distance, nošenje maski i čestu dezinfekciju ruku. Maske i sredstvo za dezinfekciju bilo je obezbjeđeno od strane organizatora.

Planirana problematika Međunarodne arhivske konferencije “2. Tuzlanski arhivski dani” bila je usmjerena na temu *Organizacija i rad arhiva u vremenu pandemije*, a ista je realizovana u dvije sesije i to:

Prva sesija

1. Dr. sc. Zdenka SEMLIČ RAJH, *Zgodovinski arhiv Ljubljana* (Republika Slovenija), **Arhivi i covid-19: međunarodno iskustvo**;
2. Dr. sc. Vlatka LEMIĆ, *Sveučilište u Zagrebu / ICARUS Hrvatska* (Republika Hrvatska), **Razvoj publike i kreativno predstavljanje arhiva u uvjetima pandemije – iskustva CREARCH projekta**;
3. Dr. sc. Miroslav NOVAK, Pokrajinski arhiv Maribor (Republika Slovenija), **Standardizacija opisa arhivskih cjelina i njihovih elemenata**;
4. Dr. sc. Ivo OREŠKOVIĆ, *Državni arhiv u Dubrovniku* (Republika Hrvatska), **Ljubav u doba korone, inkluzivnost ljubavi kao pokretača rada arhiviste u uvjetima pandemije**;

5. Dr. sc. Jasmine ŽIVKOVIĆ, Slobodanke CVETKOVIĆ, *Istorijski arhiva Požarevac* (Republika Srbija), **Organizacija rada Vanjske službe Arhiva Požarevac u vremenu pandemije;**
6. Admir HADROVIĆ, Sažida BALTA, *Arhiv Federacije Bosne i Hercegovine* (Bosna i Hercegovina), **Organizacija rada Arhiva Federacije Bosne i Hercegovine u vremenu pandemije.**

<p>MEĐUNARODNA KONFERENCIJA 2. TUZLANSKI ARHIVSKI DANI Tuzla, 24 – 25. 9. 2021.</p> <p>PROGRAM KONFERENCIJE</p> <p>Petak, 24. 9. 2021.</p> <p>16⁰⁰-18⁰⁰ Doček učesnika, podjela materijala * * *</p> <p>18⁰⁰-19⁰⁰ Svečano otvaranje konferencije * * *</p> <p>Pozdravna riječ i uvodno izlaganje Predsjednika Organizacionog odbora konferencije Pozdravi gostiju i učesnika konferencije * * *</p> <p>Promocija časopisa Arhivski pogledi br. 1. Promotori: Dr. sc. Miroslav Novak Prof. dr. Izet Šabotić Mr. sc. Omer Zulić * * *</p> <p>Kafe pauza</p>	<p>19⁰⁰-19⁰⁰ Otvaranje gostujuće izložbe Arhiva Unsko-sanskog kantona Bihać 71 godina Čuzinsko burno- dokumenti, svjedočenja, fotografije * * *</p> <p>20⁰⁰ Zajednička večera učesnika Konferencije</p> <p>Subota, 25. 9. 2021. 09⁰⁰-11⁰⁰ Prva sesija</p> <p>Dr. sc. Zdenka SEMLIĆ RAJH Zgodovinski arhiv Ljubljana (Slovenija) Arhivi i covid-19: međunarodno iskustvo * * *</p> <p>Dr. sc. Vlatka LEMIĆ Sveučilište u Zagrebu / ICARUS Hrvatska (Hrvatska) Razvoj publike i kreativno predstavljanje arhiva u uvjetima pandemije – iskustva CREARCH projekta * * *</p> <p>Dr. sc. Miroslav NOVAK Pokrajinski arhiv Maribor (Slovenija) Standardizacija opisa arhivskih cjelina i njihovih elemenata</p>	<p>Dr. sc. Ivo OREŠKOVIĆ Državni arhiv u Dubrovniku (Hrvatska) Ljubav u doba korone, inkluzivnost ljubavi kao pokretača rada arhivista u uvjetima pandemije * * *</p> <p>Dr. sc. Jasmina ŽIVKOVIĆ Slobodanka CVETKOVIĆ Istorijski arhiv Požarevac (Srbija) Organizacija rada Vanjske službe Arhiva Požarevac u vremenu pandemije * * *</p> <p>Admir HADROVIĆ Sažida BALTA Arhiv Federacije Bosne i Hercegovine (Bosna i Hercegovina) Organizacija rada Arhiva Federacije Bosne i Hercegovine u vremenu pandemije * * *</p> <p>Kafe pauza 11⁰⁰-11⁰⁰ * * *</p> <p>Druga sesija 11⁰⁰-13⁰⁰</p> <p>Mr. sc. Omer ZULIĆ Arhiv Tuzlanskog kantona (Bosna i Hercegovina) Izazovi arhivske službe u vremenu pandemije-iskustva Arhiva Tuzlanskog kantona</p>
---	---	--

Prilog 3. Program Međunarodne arhivske konferencije
„2. Tuzlanski arhivski dani“.

Druga sesija

1. Mr. sc. Omer ZULIĆ, *Arhiv Tuzlanskog kantona* (Bosna i Hercegovina), **Izazovi arhivske službe u vremenu pandemije-iskustva Arhiva Tuzlanskog kantona;**
2. Amel REDŽIĆ, *Arhiv Unsko-sanskog kantona Bihać* (Bosna i Hercegovina), **Organizacija i održavanje izložbe za vrijeme pandemije;**
3. Hatidža FETAHAGIĆ, Selma ISIĆ, *Arhiv Tuzlanskog kantona* (Bosna i Hercegovina), **Modaliteti rada sa korisnicima usluga Arhiva Tuzlanskog kantona u vremenu pandemije;**

4. Mr. Jasmin JAJČEVIĆ, *Centar za istraživanje moderne i savremene historije Tuzla* (Bosna i Hercegovina), **Refleksije pandemije na mogućnost istraživanja arhivske građe u arhivima.**



Prilog 4. *Zajednička fotografija učesnika Međunarodne arhivske konferencije „2. Tuzlanski arhivski dani“.*

Konferenciji je prisustvovalo oko 50 učesnika i posjetilaca. Cilj Konferencije bila je razmjena znanja i iskustava na vrlo aktuelnu i značajnu temu rada arhivskih ustanova u vrijeme pandemije, a učesnici su tematizirali vlastita iskustva i pozitivne prakse u radu arhiva tokom vremena pandemije. Iz navedenih izlaganja jasno je da su se tokom prethodne, pandemijske godine povećavali digitalni sadržaji, nastalo je mnogo novih formi za povezivanje, a digitalizacija je dobila puni smisao.